



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE RAADSAAL, MALMESBURY OP WOENSDAG, 21 JANUARIE 2026 OM 10:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdd J M de Beer

Lede van die Burgemeesterskomitee:

Rdl N Smit
Rdh T van Essen
Rdl A K Warnick

Ander raadslede:

Die Speaker, rdh M A Rangasamy

Beamptes:

Munisipale Bestuurder, mnr J J Scholtz
Direkteur: Finansiële Dienste, mnr M Bolton
Direkteur: Elektriese Ingenieursdienste, mnr T Möller
Direkteur: Beskermingsdienste, mnr H Witbooi
Direkteur: Siviele Ingenieursdienste, mnr L D Zikmann
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Bestuurder: Sekretariaat en Rekordsdienste, me N Brand

1. OPENING

Die voorsitter verwelkom lede en amptenare op die eerste vergadering van 2026 en wens almal 'n geseënde jaar toe.

Rdd J M de Beer open die vergadering met gebed.

2. VERLOF TOT AFWESIGHEID

Verlof tot afwesigheid word verleen aan rdl D G Bess.

3. VOORLEGGINGS/AFVAARDIGINGS/SPREEKBEURTE

Geen.

4. NOTULES

4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 9 DESEMBER 2025

BESLUIT

(op voorstel van rdl N Smit, gesekondeer deur rdl A K Warnick)

Dat die notule van 'n Gewone Uitvoerende Burgemeesterskomiteevergadering gehou op 9 Desember 2025 goedgekeur en deur die Uitvoerende Burgemeester onderteken word.

5. SAKE VOORTSPRUITEND UIT DIE NOTULE

Geen.

6. MAANDVERSLAG: NOVEMBER 2025

[Nota: Prestasiemetingverslae sal aan die Raad voorgelê word op 29 Januarie 2026 as deel van die Artikel 52 MFMA-verslag.]

6.1 DIREKTORAAT: SIVIELE INGENIEURSDIENSTE (7/1/2/2-4)

Die Direkteur: Siviele Ingenieursdienste behandel enkele aspekte uit die maandverslag, onder andere, die damvlakke wat tussen 10%-20% laer is as dieselfde tyd verlede jaar.

Die Weskus Distriksmunisipaliteit het bevestig dat die watervlakke van beide die Kasteelbergen en Glen Lily grootmaat reservoars herstel het tot op 80%. Dit het bykans ses weke geneem om die agterstand in te haal a.g.v. 'n pypbreek en pogings moet herhaal word om inwoners aan te moedig om water spaarsamig te gebruik.

Op navraag deur rdh Van Essen aangaande die hoë organiese lading by die Moorreesburg WWTW, bevestig die Direkteur: Siviele Ingenieursdienste dat die hoë persentasie 'n gevolg is van die interpretasie van die monster wat slegs een keer per maand geneem word en dat dit belangriker is dat die hidrouliese kapasiteit van die watersuiweringswerke in balans moet wees.

BESLUIT

(op voorstel van rdh T van Essen, gesekondeer deur rdd J M de Beer)

Dat kennis geneem word van die inhoud van die maandverslag van die Direktoraat: Siviele Ingenieursdienste ten opsigte van November 2025.

6.2 DIREKTORAAT: ELEKTRIESE INGENIEURSDIENSTE (7/1/2/2-6)

Die maandverslag van die Direktoraat: Elektriese Ingenieursdienste word ter tafel gelê.

Die Direkteur: Elektriese Ingenieursdienste noem, onder andere, dat die effek en besparings van elektrisiteitsaankope vanaf Darling Green in die maandverslag weerspieël word veral gedurende die somermaande waar die opwekking toeneem.

Rdh Van Essen versoek dat, indien daar besparings is op die pos vir die aankoop van kersliggies en oorblywende fondse uit wyksprojekte, dit aangewend moet word om meer kersliggies te koop. Die voorsitter versoek dat 'n oudit van kersliggies gedoen word om dit sodoende eweredig te versprei in alle dorpe.

BESLUIT

(op voorstel van rdh T van Essen, gesekondeer deur rdd J M de Beer)

Dat kennis geneem word van die inhoud van die maandverslag van die Direktoraat: Elektriese Ingenieursdienste ten opsigte van November 2025.

6.3 DIREKTORAAT: ONTWIKKELINGSDIENSTE (7/1/2/2-5)

Die Direkteur: Ontwikkelingsdienste bevestig dat die teikens met betrekking tot die behuisingsprojekte in Moorreesburg, Darling en Malmesbury (De Hoop) behaal sal word, asook die voltooiing van die Kalbaskraal SEF (*Social Economic Facility*) ten spyte van die uitdagings wat die afgelope tyd ondervind was.

Rdl A K Warnick spreek sy kommer uit dat slegs 10 persone uit die 36 GAP-behuisingsgeleenthede kwalifiseer om aan die projek deel te neem. Rdl A K Warnick versoek dat alternatiewe oorweeg moet word om te voorkom dat die behuisingsgeleenthede verlore gaan, bv. beskikbaarstelling aan eerste huiskopers, plaaseienaars om huise vir werkers te bou, ens.

BESLUIT

(op voorstel van rdh T van Essen, gesekondeer deur rdd J M de Beer)

Dat kennis geneem word van die inhoud van die maandverslag van die Direktoraat: Ontwikkelingsdienste ten opsigte van November 2025.

6.4 DIREKTORAAT: BESKERMINGSDIENSTE (7/1/2/2-3)

6.4.1 VERKEER- EN WETSTOEPASSINGDIENSTE

6.4.2 BRANDWEERDIENSTE

Die maandverslag van die Direkoraat: Beskermingsdienste word ter tafel gelê.

Die Direkteur: Beskermingsdienste gee statistieke deur insake die drastiese afname in die slaagsyfer van leerlinglisensies met die implementering van die elektroniese stelsel. Daar is met Provinsie hieromtrent gekorrespondeer, aangesien dit 'n negatiewe effek op die ekonomie het deurdat drywers nie aangestel kan word sonder die nodige lisensies nie. 'n Verdere effek is dat daar meer onwettige bestuurders op die paaie is.

'n Bespreking volg aangaande die ondoeltreffendheid van die oogtoetsmasjiene, en onderneem die Direkteur: Beskermingsdienste om die aangeleentheid met Provinsie op te neem in 'n poging om 'n toets gelykstaande aan dié wat deur oogkundiges afgeneem word te implementeer.

Die Direkteur: Beskermingsdienste bevestig dat 'n oogtoets eers by die Verkeersdepartement afgelê moet word, en indien die toets onsuksesvol is, 'n oogtoets dan by 'n oogkundige gedoen kan word.

Die Direkteur: Ontwikkelingsdienste noem dat die volgende vergadering met die onderskeie rolspelers insake die verskuiwing van die kleinboere vir 6 Februarie 2026 geskeduleer is.

Die voorsitter bevestig dat die leë strukture van die kleinboere afgebreek moet word soos onderneem tydens die vergadering in Desember en dat die gebied gereeld gemonitor word om te verseker dat daar nie enige nuwe strukture bykom nie.

BESLUIT

(op voorstel van rdh T van Essen, gesekondeer deur rdd J M de Beer)

Dat kennis geneem word van die inhoud van die maandverslag van die Direkoraat: Beskermingsdienste ten opsigte van November 2025.

7. NUWE SAKE

7.1 BEGROTINGSBEHEERKOMITEE 2025/2026: HALF-JAARLIKSE AANSUIWERINGS-KAPITAAL EN BEDRYFSBEGROTING: TEGNIESE AANBEVELINGS (5/1/1/1, 5/1/1/2, 5/1/4)

Die Direkteur: Finansiële Dienste gee agtergrond tot die voorlegging van die 2025/2026 Half-Jaarlikse Aansuiweringskapitaal- en Bedryfsbegroting uit hoofde van Artikel 72 van die Wet op Munisipale Finansiële Bestuur, Wet 56 van 2003 (MFMA).

Die Half-Jaarlikse Aansuiweringskapitaal- en Bedryfsbegroting is op 16 Januarie 2026 deur die Begrotingsbeheerkomitee oorweeg vir aanbeveling aan die Uitvoerende Burgemeesterskomitee.

BESLUIT (vir voorlegging aan die Raad op 29 Januarie 2026)

(op voorstel van rdl N Smit, gesekondeer deur rdh T van Essen)

- (a) Dat kennis geneem word dat die Begrotingsbeheerkomitee vergader het om die verduidelikings en motivering van die finansiële personeel en ander direkteure te oorweeg in 'n poging om die Uitvoerende Burgemeester te adviseer insake die pad vorentoe;
- (b) Dat kennis geneem word dat, gebaseer op die nuutste riglyne vanaf die Nasionale Tesourie (NT), die kapitaaluitgawe met betrekking tot Eskom se gedeelte van die substasie vir die opgradering van elektrisiteitsvoorsiening, nou as 'n bedryfsuitgawe beskou word en die finansiering as Konstruksie Kontrak Inkomste, wat 'n herallokasie van fondse in die aansuiweringsbegroting noodsaak en dat die eksterne lening derhalwe nie meer opgeneem kan word nie, aangesien die substasie nie 'n bate van die Munisipaliteit sal wees nie;

(c)/...

7.1/...

- (c) Dat die Raad die R6 786 000 oorbruggingsfinansiering van kapitaalprojekte vir sekere elektriese infrastruktuur goedkeur weens die tydsberekening van die INEP-toekennings, wat mag verskil van die Munisipaliteit se finansiële jaar in konteks van goedkeuring en wanneer die projekte geïmplementeer moet word;
- (d) Dat goedkeuring verleen word om die 2025/2026 kapitaalprojekte te wysig as deel van die gekonsolideerde kapitaalprogram goedkeur soos gelys in **(Annexure A-1: Adjusted 2025/26 MTREF Capital Budget)**; ingesluit die wysigings aan die buite jare om die verkrygingsproses vir die Malmesbury De Hoop 132/11kV Substation projek te akkommodeer;
- (e) Dat die Raad die gewysigde befondsingsbronne oorweeg en goedkeur wat verband hou met die raad se kapitaalprogram en daarop let dat die befondsingsbronne beskikbaar is en nie vir ander doeleindes geoormerk is nie;

FINANCING SOURCES	Original Budget 2025/26	Mid-Year Adj Budget 2025/26	Increase / (Decrease)	Adjusted Budget 2026/27	Adjusted Budget 2027/28
Capital Replacement Reserve (CRR)	143 511 923	138 530 034	(4 981 889)	144 869 611	163 511 318
External Loan	30 000 000	-	(30 000 000)	-	-
Municipal Infrastructure Grant (MIG)	25 405 000	25 405 000	-	27 293 000	28 388 000
Dept. of Infrastructure	58 112 132	89 405 296	31 293 164	38 657 000	103 110 672
Integrated National Electrification Programme (INEP)	17 821 124	-	(17 821 124)	-	21 811 000
Water Services Infrastructure Grant	17 044 000	17 044 000	-	-	-
Municipal Disaster Response Grant	-	7 443 610	7 443 610	-	-
Regional Socio-economic Projects	78 261	78 261	-	-	-
Fire Service Capacity Support Grant	478 261	478 261	-	-	-
Water Resilience Grant	1 304 348	1 304 348	-	-	-
Dept. Cultural Affairs and Sport	43 478	43 478	-	43 478	43 478
Western Cape Education Department (Private funding)	-	308 354	308 354	-	-
Donation	-	9 500	9 500	-	-
GRAND TOTAL	293 798 527	280 050 142	(13 748 385)	210 863 089	316 864 468
MTREF Approved Budgets				224 945 089	310 171 191

- (f) Dat die raad kennis neem van die voorgestelde aanpassings (wat verband hou met Artikel 19) ten opsigte van die projekte, soos gelys in **(Annexure A-2: Capital Projects ito Sec 19)**;
- (g) Dat die volgende totale gewysigde uitgawes per departement (per direktoraat) goedgekeur word, wat insluit beide bedryfs- en kapitale uitgawes per direktoraat (VOTE), ten einde departemente in staat te stel om pro-aktief ongemagtigde uitgawes te voorkom;

2025/26 MTREF	Capital Expenditure by Vote				Operating Expenditure by Vote				Total Expenditure by Vote			
	ORGB	ADJUSTED MTREF			ORGB	ADJUSTED MTREF			ORGB	ADJUSTED MTREF		
	2025/26	2025/26	2026/27	2027/28	2025/26	2025/26	2026/27	2027/28	2025/26	2025/26	2026/27	2027/28
R thousands												
Vote 1 - Corporate Services	573	448	575	577	49 233	55 687	52 164	55 536	49 807	56 135	52 739	56 113
Vote 2 - Civil Services	143 991	152 493	116 213	145 139	431 330	429 799	451 042	472 550	575 321	582 293	567 255	617 690
Vote 3 - Council	12	12	12	12	25 469	25 414	26 504	27 629	25 481	25 426	26 516	27 641
Vote 4 - Electricity Services	88 166	35 110	48 092	66 635	559 645	584 030	656 652	643 261	647 810	619 140	704 743	709 896
Vote 5 - Financial Services	168	82	76	672	84 577	84 884	90 928	97 432	84 745	84 966	91 003	98 104
Vote 6 - Development Services	59 076	90 020	44 747	103 205	172 555	190 897	212 688	170 291	231 632	280 916	257 435	273 496
Vote 7 - Municipal Manager	12	42	12	12	11 298	11 682	11 910	12 679	11 310	11 724	11 922	12 691
Vote 8 - Protection Services	1 800	1 844	1 136	612	124 701	132 992	131 430	138 699	126 501	134 836	132 566	139 311
Grand Total	293 799	280 050	210 863	316 864	1 458 809	1 515 385	1 633 317	1 618 077	1 752 608	1 795 435	1 844 180	1 934 941

7.1/...

- (h) Dat goedkeuring verleen word om die hoë-vlak kapitaal- en bedryfsbegroting vir 2025/2026 as volg te wysig (**Annexure B: Adjusted 2025/26 MTREF Operating Budget**), ingesluit die wysigings aan die buite jare om die verkrygingsproses vir die Malmesbury De Hoop 132/11kV Substation projek te akkommodeer;

	Oorspronklike Begroting 2025/26	Half-Jaar Aansuiwerings begroting 2025/26	Aanpassings	Oorspronklike Begroting 2026/27	Gewysigde Begroting 2026/27	Oorspronklike Begroting 2027/28	Gewysigde Begroting 2027/28
Kapitaalebegroting	293 798 527	280 050 142	(13 748 385)	224 945 089	210 863 089	310 171 191	316 864 468
Bedryfsuitgawes	1 458 809 231	1 515 384 860	56 575 629	1 576 228 890	1 633 317 290	1 618 076 969	1 618 076 969
Bedryfsinkomste	1 606 490 727	1 725 538 886	119 048 159	1 676 968 153	1 676 968 153	1 777 306 422	1 777 306 422
Begrote (Surplus)/ Tekort	(147 681 496)	(210 154 026)	(62 472 530)	(100 739 263)	(43 650 863)	(159 229 453)	(159 229 453)
Minus: Kapitaal Toekennings en Donasies	120 565 734	141 838 438	21 272 704	86 861 478	86 861 478	153 353 150	153 353 150
(Surplus)/ Tekort	(27 115 762)	(68 315 588)	(41 199 826)	(13 877 785)	43 210 615	(5 876 303)	(5 876 303)

- (i) Dat goedkeuring verleen word om die definisie van gratis basiese dienste vir deernisse in die Tariewe lêer uit te brei om ook gratis grootmaat-basiese dienste in te sluit vir inwoners van erkende informele nedersettings deur die Raad, wat nie 'n dienste-aansluiting in hulle naam het nie (**Annexure C: 2025/26 Tariff File Extract**);
- (j) Dat kennis geneem word dat die veranderinge in die bedryfsbegroting geen impak op tariewe het ten opsigte van die 2025/2026 finansiële jaar of buite-jare nie maar sal lei tot 'n verhoging in die begrote netto surplus vanaf R27 115 762 na 'n begrote netto surplus van R68 315 588;
- (k) Dat die aangepaste begrotingskedules (B1 tot B10) soos vereis deur die Begroting- en Verslagdoeningregulasies goedgekeur word soos vervat in (**Annexure D: Budget Report and B-Schedules 2025/26 – 2027/28**)
- (l) Dat die Direkteur: Finansiële Dienste voldoen aan die vereistes van die Begrotingsomsendbriewe en -formate in die konteks van die verslagdoeningsvereistes aan Provinsiale en Nasionale Tesourie;
- (m) Dat die Dienslewering- en Begrotingimplementeringsplan (SDBIP) toepaslik dienooreenkomstig gewysig word.

7.2 KWARTAAL 2: EKONOMIESE ONTWIKKELINGSVERSLAG (2/1/4/5)

Die verslag het ten doel om te rapporteer op die implementering van die Munisipaliteit se Ekonomiese Ontwikkelingsplan wat insluit ondersteuning aan klein besighede, om gereed te wees en 'n fasiliteringsrol te speel in die implementering van investerings en strategiese infrastruktuurprojekte.

BESLUIT

(op voorstel van rdl N Smit, gesekondeer deur rdl A K Warnick)

Dat kennis geneem word van die Ekonomiese Ontwikkelingsverslag vir Kwartaal 2 (periode 1 Oktober 2025 tot 31 Desember 2025).

7.3 KWARTAALVERSLAG INSAKE DIE PRESTASIE VAN KONTRAKTEURS (8/1/B/2)

Die verslag ten opsigte van die kwartaallikse prestasie-evaluering van kontrakteurs wat ingevolge die Voorsieningkanaalbestuursbeleid aangestel is, word voorgelê ter voldoening aan artikel 116(2) van die MFMA en die kernprestasië-indikator van die Munisipale Bestuurder.

Besluit/...

7.3/...

BESLUIT

(op voorstel van rdh T van Essen, gesekondeer deur rdd J M de Beer)

Dat kennis geneem word van die kwartaalverslag insake die prestasie van kontrakteurs vir die periode 1 Oktober 2025 tot 31 Desember 2025.

7.4 VERSLAG INSAKE DIE IMPLEMENTERING VAN DIE VOORSIENINGKANAAL-BESTUURSBELEID VIR DIE PERIODE 1 OKTOBER 2025 TOT 31 DESEMBER 2025 (8/1/B/2)

'n Verslag insake die implementering van die Voorsieningkanaalbestuursbeleid moet op 'n kwartaallikse basis ingevolge paragraaf 6(3) van die Munisipale Voorsieningkanaalbestuursregulasies aan die Uitvoerende Burgemeester voorgelê word.

Die verslag vir die periode 1 Oktober 2025 tot 31 Desember 2025 is met die sakelys gesirkuleer.

BESLUIT

(op voorstel van rdl N Smit, gesekondeer deur rdl A K Warnick)

- (a) Dat kennis geneem word van die kwartaalverslag ten opsigte van die implementering van die Voorsieningskanaalbestuursbeleid soos beoog deur Artikel 6(3) van die Regulasies, sowel as verslae van die Formele Tenders (Bylae A), Informele Tenders (Bylae B), en die Afwykingsverslag (Bylae C);
- (b) Dat kennis geneem word van die dienste gelewer vir die tydperk 1 Oktober 2025 tot 31 Desember 2025 met verwysing na die uitsonderings waar dit onprakties is om die mark te toets en dus 'n afwyking van die verkrygingsprosesse ingevolge paragraaf 2(6) van die Voorsieningskettingbestuurbeleid (Bylae D).

7.5 HUUR VAN STOORRUIMTE GELEë OP 'N GEDEELTE VAN ERF 7590 TE NYWERHEIDSINGEL (EENHEID 10), MALMESBURY VANAF BESTER FAMILIETRUST (12/1/2-6/2)

Die Direkoraat: Finansiële Dienste het aangetoon dat die Raad die stoorruimte van die Bester Familietrust vir 'n verdere termyn benodig vir die stoor van vullissakke en watermeters.

BESLUIT

(op voorstel van rdd J M de Beer, gesekondeer deur rdh T van Essen)

- (a) Dat 'n huurooreenkoms met Die Bester Familie Trust gesluit word vir die gebruik van die stoorruimte, eenheid 10, geleë op 'n gedeelte van Erf 7590, Nywerheidsingel 4, Malmesbury, vir 'n verdere termyn van 12 maande vanaf 1 April 2026 tot 31 Maart 2027;
- (b) Dat 'n maandelikse huur van R1 660.00 (BTW ingesluit) betaalbaar is vanuit posnommer 9/241-369-2979 (verkoop van vullissakke);
- (c) Dat die bestaande huurvoorwaardes onveranderd bly.

7.6 UITSTAANDE DEBITEURE: DESEMBER 2025 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

Rdl A K Warnick versoek dat oplossings oorweeg moet word, ingesluit gesprekke met Eskom, om kredietbeheer toe te pas in gebiede waar Eskom die elektrisiteitsverspreider is. Dit is onregverdig teenoor ander gebiede in die munisipale gebied waar streng kredietbeheer toegepas word en is die afskryf van enorme bedrae skuld nie volhoubaar nie.

BESLUIT

(op voorstel van rdl N Smit, gesekondeer deur rdh T van Essen)

Dat kennis geneem word van die verslag aangaande die stand van Swartland Munisipaliteit se uitstaande debiteure vir Desember 2025.

7.7 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

Dat kennis geneem word van die stand van uitstaande versekeringseise tot en met 31 Desember 2025 soos met die sakelys gesirkuleer.

7.8 AFWYKING VAN VOORGESKREWE VERKRYGINGPROSEDURES: HERSTEL VAN CASE LAAIGRAAF, CK 43210 (8/1/B/2)

Die CASE Laaigraaf, CK 43210 word deur die Elektriese Departement vir uitgraafwerke gebruik – die voertuig is nie op vir vervanging binne die volgende vyf jaar nie.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munispale Bestuurder om goedkeuring te verleen vir die herstelwerk aan die CASE Laaigraaf, CK 43210 ten bedrae van R32 765,20 (BTW ingesluit) deur HJ van Zyl Meganies BK;
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, 'n formele tenderproses nie gevolg kon word nie, omrede:
 - (i) 'n totale stroop van gedeeltes van die laaigraaf nodig was om die herstelwerk te bepaal om 'n kwotasie voor te berei;
 - (ii) dit as onprakties beskou word om meer kwotasies te bekom deur die laaigraaf weer aanmekaar te sit om by ander werkswinkel uitmekaar gehaal te word;
- (d) Dat die uitgawe ten bedrae van R32 765,20 (BTW ingesluit) teen posnommer 9/7-26-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.9 AFWYKING VAN VOORGESKREWE VERKRYGINGPROSEDURES: HERSTEL VAN DIE UD 370FC VRAGMOTOR, CK 50003 (8/1/B/2)

Die UD 370FC vragmotor, CK 50003, word gebruik vir die uitpomp van riooltenks in die Swartland munisipale area. Die vragmotor het nie die padwaardigheidsstoets geslaag nie en is na die agent geneem vir assessering.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munispale Bestuurder om goedkeuring te verleen vir die diens van die UD 370FC vragmotor, CK 50003 ten bedrae van R40 966,82 (BTW uitgesluit) deur UD Trucks Malmesbury;
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks Malmesbury die gemagtigde agent van UD vragmotors is;
- (d) Dat die uitgawe ten bedrae van R40 966,82 (BTW uitgesluit) teen posnommer 9/4-46-5 verreken word en dat daar voldoende fondse beskikbaar is;

7.9/...

- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.10 AFWYKING VAN VOORGESKREWE VERKRYGINGPROSEDURES: HERSTEL VAN REMME VAN QUESTER CWE UD 370FC VRAGMOTOR, CK 44202 (8/1/B/2)

Die UD 370FC vragmotor, CK 44202, word gebruik vir die uitpomp van riooltenks in die Swartland munisipale area. Die plaaslike agent vir UD vragmotors is genader om 'n kwotasie te voorsien vir die herstel van die remme en olielek op die "diff".

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die UD 370FC vragmotor, CK 44202 deur UD Trucks Malmesbury ten bedrae van R31 411,84 (BTW uitgesluit);
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks die gemagtigde agent van UD vragmotors is;
- (d) Dat die uitgawe ten bedrae van R31 411,84 (BTW uitgesluit) teen posnommer 9/4-67-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.11 AFWYKING VAN VOORGESKREWE VERKRYGINGPROSEDURES: HERSTEL VAN REMME VAN QUESTER CWE UD 370FC VRAGMOTOR, CK 56674 (8/1/B/2)

Die UD 370FC vragmotor, CK 56674, word gebruik vir die uitpomp van riooltenks in die Swartland munisipale area. Tydens die diens van die vragmotor deur UD Trucks is gevind dat die remme vervang moet word.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die UD 370FC vragmotor, CK 56674 deur UD Trucks Malmesbury ten bedrae van R30 950,51 (BTW uitgesluit);
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks die gemagtigde agent van UD vragmotors is;
- (d) Dat die uitgawe ten bedrae van R30 950,51 (BTW uitgesluit) teen posnommer 9/4-71-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.12 AFWYKING VAN VOORGESKREWE VERKRYGINGPROSEDURES: HERSTEL VAN TIPPER VRAGMOTOR, CK 43285 (8/1/B/2)

Die UD G390 tipper vragmotor, CK 43285 word gebruik vir die opruim van onwettige vullisstortings en die sleep van die laagbed in al die gebiede in die Swartland munisipale area.

7.12/...

BESLUIT

- (a) Dat kennis geneem word van die afwyking van die voorgeskrewe verkrygings-prosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die ratkas en vervanging van die drukplaat en servo van UC G390 tipper vragmotor, CK 43285 deur UD Trucks Malmesbury ten bedrae van R133 265,61 (BTW uitgesluit);
- (c) Dat verder kennis geneem word dat, in terme van paragraaf 2(6)(d) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks die gemagtigde agent van UD vragmotors is;
- (d) Dat die uitgawe ten bedrae van R133 265,61 (BTW uitgesluit) teen posnommer 9/4-14-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.13 AFWYKING VAN VOORGESKREWE VERKRYGINGPROSEDURES: HERSTELWERK AAN DIE GEOUTOMATISEERDE INDUSTRIËLE METER VIR MONSTERS VAN AFVALWATER (8/1/B/2)

Daar is 'n industriële meter by Fair Cape Dairies, Malmesbury geïnstalleer wat outomatiese monsters neem van die nywerheid se afvalwater. Die inligting word gebruik vir rekeningdoeleindes en dit is dus belangrik om akkurate inligting te verkry.

BESLUIT

- (a) Dat kennis geneem word van die afwyking van die voorgeskrewe verkrygings-prosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die *Smartstorm*-monstermeter by Fair Cape Malmesbury deur Hydrometrix ten bedrae van R29 906,25 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Hydrometrix die gemagtigde agent van Smartstorm-toerusting is;
- (d) Dat die uitgawe ten bedrae van R29 906,25 (BTW uitgesluit) teen posnommer 9/239-677-425 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

(GET) J H CLEOPHAS
UITVOERENDE BURGEMEESTER